

TE HENEURAA API

NENEIHIA I ROTO I TE PIHA NENEIRAA A TE EKALEZIA A IESU MESIA I TE
FEIA MO'A I TE MAU MAHANA HOPEA NEL
PAPEETE, TAHITI, I TE MAU AVA'E ATOA.

*Te hoo: E 5 farane i te matahiti hoê
e e 10 farane no na matahiti e toru.*

No. 3

Mati 1938.

Mat. 32.

Te Semeio.

AUE te maere te mau mea te tupu i roto i te mau tau! Aita i maoro a'enei te paura e hoê hanere matahiti i te faaiteraahia e, e te hoê taata nenei ve'a, e nenei e e haaparare oia i te hoê buka maere mau, tei iritihia mai no nia i te tahi mau api auro, tei beheuhia i te hoê tamaiti faaapu no Palmyra, New York. Ua faatupu te reira faaiteraa i te aueaue rahi i nia i te fenua e ua parare oioi te reira parau mai te auahi i puhihia e te mata'i.

Mai na otia e maha o taua oire iti ra, ua tae maira te parau omuhumuhu e, eiaha roa taua buka ra ia neneihia. Amui aturu te mau Orometua e te mau taata atoa no te patoi atu i te neneiraa i taua buka au orehia e ratou. Ua faaarahia te mau feia faaapu, i to ratou taoto o te pae varua, i te faaitera hia'tu e, ua fatata roa te neneiraa o te *Bibilia Auro* i roto i te reo Baratane.

Amui maite atura te mau taata, i te mau Orometua faaroo no te hamani ino raa'tu i te taata api tei horoahia te mau api auro tei vai maoro i roto i te aivi mana ra. No te rahi o te faaino e te hamani ino raa tei vai i te reira tau, ua patoi papu roa mai te tahi mau feia hoo buka, tei anihia ia hoo atu i taua buka maere ra.

I te taima i faatia papu ai o Mr. GRANDIN, no Palmyra, e

nenei e e hoo oia i taua buka ra, tahiti atura te ino na rapae i te otia o taua tufaa fenua ra. Ua mana'ohia e, ia oti noa'tu teie buka i te neneihia, e ino rahi mau te tupu. Ua mana'o ihora te mau feia faaroo no Palmyra, e ohipa mo'a na ratou ia paruru te ao nei i te hoê ino rahi, na roto i te imiraa i te mau ravea atoa ia ore ia neneihia taua buka huru ê ra.

Ua haaputuputu atura te mau taata, ma te riri rahi, i roto i te tahi mau apooraa, e i reira ua faaaau ratou i te parau huna e, e haere ratou e eia mai i te iritiraa parau, i te taima e haere ai te mau melo tane, no te fetii Semita, i roto i te mau aua faaapu. Ua haaparare hia te tahi mau parau, e ua rave rahi te mau taata tei papai i to ratou mau i'oa i raro a'e i te reira mau parau, no te titau raa i te taata nenei ve'a, eiaha oia e nenei i tana buka ra. Haere atura te hoê tomita, tei faaterehia e te hoê Orometua, i te fare o Semita ma i te taima ua haere te mau tane i te faaapu, e ua ani ratou i te Metua vahine o te Peropheta ia faaite mai oia i te mau papairaa a te Peropheta. Ua taa oioi ra ia'na ta ratou opuaraa ino e aita roa oia i faaite atu i taua parau titau hia ra.

Haere maira te hoê taata nenei ve'a haama ore, no te hoê oire i fatata mai, i roto i te piha neneiraa a Grandin, i te mau mahana maa atoa, e ua papai oia i te hoê hohoa o taua parau ra a faanaho noa hia'i te mau taipe. E mea pinepine to'na neneiraa, i roto i ta'na ve'a, te tahi mau tufaa no te BUKA a MOROMONA, tei faahuru ê e tei haa poto hia e ana ei ravea no te faa taeroraa i te mana'o o te mau taata hou te taeraa mai o taua buka ra. Ua ani teie taata hairiiri i te mau taata atoa ia hoo ratou i ta'na ve'a ma te parau atu ia ratou e, e tia ia outou ia tai'o i te *Bibilia Auro*, i roto i ta'na ve'a hou to'na neneiraahia ei buka.

I muri rii noa ibo i te faaroora hia e, tei ia Iosepha te mau apī auro, tarahu atura o Willard CHASE, te hoê Orometua no te Methodist, i te hoê taata tahutahu no te hoê oire atea roa ia haere mai i Palmyra e imi i taua mau apī auro na roto i

(*A hi'o i te api 37*)

Ame
ahuri
sia i

Ua
eiti 1
Tuan
tu oia
Hao.
e ua
atoa.
ra ma
lesia.
haam
tao'a

I t
ho'i r
eana.
tama
tapae
Mati
rera.
na ra
Tiura
fariir
Amaa
te ton
ro atc

I te
aia'e
te ha
me ra
maita

EDITORIALE

I TE 26 no te ava'e Febuare i mairi a'enei, ua reva'-tu o TOMA Peretiteni raua to'na hoa ra o MATE i Amerika. E ohipa maitai tei ravehia e raua i roto i te hoê ahuru ma hoê ava'e a faatere ai raua i te ohipa no te Ekalesia i Oteania nei.

Ua tae mai o TOMA ei Orometua, i te matamua, i te mata-eiti 1893. Ua rave itoito atura oia i te ohipa i te mau fenua Tuamotu, mai Anaa, Takaroa e Takapoto ma. Ua tae atoa' tu oia i te mau fenua ra i nia, mai ia Hikueru, Amanu e o Hao. Te mau taata tei matauhia e ana ra, ua paari ana'e ia e ua reva e ana te pae rahi na te e'a te haerehia e te taata atoa. Ua ho'i oia i to'na fenua i te matahiti 1896, e mai reira mai â ua haapao itoito noa oia i te mau ohipa na te Ekalesia. Ua itoito atoa oia i te ohipa paeau tino, e mai te hoê haamataraa vêvê roa, ua manuia hia a'era oia i te ohipa hoo tao'a.

I teie matahiti i mairi a'enei, ua faaue faahouhia oia ia ho'i mai e faatere i te ohipa i teie nei mau fenua tei herehia eana. Vaiiho atura raua, e to'na hoa, i te mau ohipa e i na tamarii paari e toomaha atoa e ua reva mai ma te oaoa. Ua tapae mai raua i te 25 no Fepuare 1937 e i te 31 no te ava'e Mati i muri a'e ua reva raua i Takaroa no te Amuiraa Eperera. Ua tupu te oaoa i te farereiraa i te mau hoa tahito no na ra, mai ia Toae, Tukua, Riva e o Piritake ma. I te 27 no Tiurai, ua reva oia i Tubuai e ua faatiahia te hoê Amuiraa fariiraa ia'na i reira, e ua farerei oia i te mau melo no na Amaa e toru ra. Ua opua atoa raua i te haere i Fakarava no te tomoraa fare pureraa i te Eperera i mua nei, e ua hinaaro atoa hoi raua ia tae atoa i Hao no te Eperera i reira.

I teie nei ra ua reva raua i to raua fenua ai'a. O te Atua ana'e te ite i te tumu no te mau mea atoa; i te tahi mau tau te haamaitai nei Oia i ta'na mau tamarii nei, e i te tahi taimera te mana'o nei tatou e, e ati rahi ia, e ere ia i te haamaitairaa. Te vai ra râ te mahana e taa atu ai tatou.

Ua mauui roa to raua na mafatu i te revaraa'tu, aita râ raua i parau noa'tu, maori râ, *E te Fatu, ia raa to oe i'oa, ia haapaohia to oe hinaaro i te fenua nei mai tei te ao atoa na.* Ua mauruuru matou ia orua i te farereiraa e i ta orua faatereraa itoitoe; Ua nuu iho â ia te ohipa i mua.

Ua reva atoa'tu i taua mahana ra na Orometua ra o NOROTA HARDY raua o TIHOTI LAKE. Ua parahi o NOROTA i Tubuai, i Takaroa e i Nihiru ma i na matahiti e piti e te afa. O TIHOTI ra, ua faaea noa oia i te Tuamotu e ua rave rahi te fenua tei taeahia e ana.

Ia tauturuhia ratou e te Fatu i ta ratou mau titauraa i reira.

Papaiha e Tena Orometua.

TE PARAU AUTAHU'ARAH.

BENIAMINA Winkel

LEVI Leatham

ELEDONA Mortensen

Haapiiraa no te Ava'e EPERERA.

Te Faatia Faahou-raa o te EKALESIA.

Daniela 2:28,29; 44-45.

Mica pene 4.

Mataio 17:11;


Roma 11:25-29.

Apokalupo 14:6.

I roto i teie ava'e no Mati ua haapii tatou i te parau no te *Taivaraa*. No te ava'e Eperera e haapii tatou i te parau no te *Faatia-faahouraa o te Ekalesia*. Ua tohu mau hia anei te reira?

A tuatapapa atoa i te mau ohipa i ravehia e Iosepha Semita. A tamau i te mahana, te matahiti e te huru o te mau orama tei iteahia e ana ra.

E ao to te taata e faaoromai i te ati ra; no te mea ia tama-ta hia mai oia ra, e roaa ia'na te korona o te ora, o ta te Atua i parau fafau mei i te feia e here i'na ra. Iakobo 1:12.



Na Te Mau Maapii

Mahaere na te mau utuafare,

Hiro'a Faaroo N° 9. *Te faaroo nei matou i te mau parau i heheu hia mai e te Atua i mutaaihora, e te mau parau ta'na e heheu mai nei i teie nei, e te faaroo nei hoi matou e, e riro â oia i te heheu mai i te hoê atu â mau perau maitai e te faufaa rahi i to'na ro basileia.*

Eiaha e haere ma te uiui atu i te mau taata ra, te haapao nei anei ratou i tera ture e i tera ture. A haere ra ma te aroha, a faaitoito e a faaetaeta i te Heia Mo'a i roto i te faaroo, ia haapao maitai ratou i te mau ohipa atoa. A haapii atoa'tu i te auraa no te Hiro'a Faaroo N° 9. *Te heheu mai nei anei te Atua i ta'na parau i teie nei ? Eaha mau te auraa no te Apokalupo 22:19 ?*

Te Semeio.

Tuatiraa no te api 35.

to'na mana tahutahu. Te tahi pae taata ra, rave atura ratou i te mau peu a te hi'ohi'o no te imiraa i te mau parau tuatapapa a te atî Nephi, hou te otiraa o te iritiraa. *E ua faufaa ore te reira mau imiraa atoa.*

Eaha te huru o te mau tauiraa rahi ta te tau i faatupu ?

Ahiri o Iosepha SEMITA i tohu e, e tae te parau o te faaroo Moromona i te mau nunaa maramarama o te ao nei e e rave rahi te tauatini o te mau taata tei faafariuhia mai te faarue i to ratou mau fenua no te haere e faaruperupe i te medebassa o Siona, i roto i te hanere matahiti e haere mai nei, ua riro ia te reira mau tohu ei parau haavare e te faufaa ore na te mau taata no Palmyra.

Eaha ia te huru o te parau a te mau taata no Palmyra ahiri te Peropheta, tei hamani ino noa hia e ratou, i parau e: E ite teie tenetere e haere mai nei i te hoê mootua tamahine no Willard CHASE i te amuiraa i te faaroo Moromona, to'na riroraa ei melo itoitro roa i roto i te Amaa no Palmyra e to'-

na haaputuraa i te mau i'oa, e rave rahi te hanere, no te fetii CHASE, ia tia ia ravehia te ohipa, no ratou, i roto i te mau Hiero ? Area ra, na riro te reira ei parau tuatapapa.

Eaha ia te mana'o te tupu i roto ia Mr. COLE, i te taime a neneinoa'i oia i te tahi mau tufaa faahuruêhia no te Buka a Moromona ma te parau atu e, e tai'o outou, i roto i ta'u ve'a nei, te *Bibilia Auro*, hou to'na neneiraahia ei buka, ahiri te taata iriti parau i parau atu e ma te hanahana:

I roto i te hoê hanere matahiti e hau atu te taata te tai'o e te tai'o faahou atu i taua buka ra, i te mau taata te vai ra i roto i te mau tufaa fenua o Amerika. E iritihia e e neneihia taua buka ra i roto i te mau reo e rave rahi, e e riro oia ei buka tei hau roa i te tai'ohia, i muri a'e i te *Bibilia*.

Te buka ta te mau taata no Palmyra i hinaaro i te haamou, ua tai'ohia ia e te taata tei hau atu te rahi i to roto i te tufaa fenua no New York i teie nei. Ua hau atu te Peresibutero tei faauruhia e taua buka ra, tei faarne i te mau pape rahi no te haere e imi i te pîpî na te ao nei, i te taata i roto i te mataeinaa o Wayne i te matahiti 1830.

Ua tarahu te mau taata no Palmyra i te mau taata ite i te heru repo no te imiraa i te mau Apî Auro i roto i te mou'a ra o Cumora. Ua ô hia te mau apoo rarahi na te mau vahi atoa o te aivi ra o Ramah, i muri rii noa iho i to te mau Peresibutero no teie faaroo apî e te maere i haamata'i i te ooti i te auhune rahi i roto i te tufaa fenua i Ohio. Aita e tohuraa, noa'tu to'na au ore, e ore e mana'ohia e, e mea hape, ahiri i parauhia e:

‘ E ite te tau i mua nei te hoê menema nehenehe i nia i te aivi mana ra, te faatiahia e te mau pîpî e rave rahi no te *Bibilia Auro* — e menema no te haamana'oraa i te taata hopea no te atî Nephi tei huna i te mau apî auro i roto i taua aivi mo'a ra. E mea papu roa ua hau roa'tu te oioi te tiahi raahia te fetii Semita, i rapae au i te mataeinaa ra o Wayne, ahiri o IOSEPHA i parau e, e ite to te ao atoa nei i te hoê tapura rahi roa, i te pae purumu no Manchester, i raro i te maru o taua aivi mana ra, tei faaite i te parau no taua buka mana ra.

E mea papu ua hae te mau taata ahiri ratou i faaroo ia'na i te parau raa e, e rave rahi te tauatini o te mau ratere te haere e mataitai i taua menema ra i te mau matahiti atoa: e titauhia e 4 Orometua ia faaea noa i reira, i te ao e i te po atoa, no te haapiiraa'tu i te mau taata te parau no taua aivi mo'a ra, e te huru o te mau taata atoa tei tai'o i te *Bibilia Auro*.

I te tumu o taua aivi ra, i te vahi i moemoe ai te enemi no te eia ia Iosepha i te mau apī auro, ua faatiahia te hoê fare nehenehe, te hoê Piha haamaramaramaraa, no te mea ua riro taua aivi ra ei vahi hau roa no te ohipa pororaa Evanelia, maori ra te fenua tiaraa Hiero, i Roto Miti, tei hau atu.

Ua mana'o te mau taata no Palmyra e, e feruri raa maa-maa ia mana'o e, te opuara te mau pīpī o taua buka maere ra i te aufauraa i te moni no te neneiraa e 5.000 buka, e ia tai'o atoahia te rahiraa o taua mau buka ra. Ua mana'o atoa te mau taata no te mataeinaa ra o Wayne, eita roa te neneiraa matamua o taua buka ra e pau i te hoohia.

Area e mana'o itoitoe mau i te nenei e 5.000 buka i te hoê tau e mea iti roa te taata e tai'o i te reira, area ra, ua ite tana mau pīpī e, e buka taa ê roa te reira. I teie nei mau tau maramarama nei, ia faaite te mau fare hooraa buka i te parau no te hoê buka apī, ua itehia e, o te hoê noa iho tufaa iti te aufauhia na te taata tei papai e na tei nenei i te reira.

Ua tae taua buka maere ra, no roto mai i aivi mo'a ra, e faatiaia i te mafatu o te mau feia tei tai'o ia'na, i te mau vahi atoa e i na otia e maha o te ao nei. E iteahia te *Semeio o te Faaroo Moromona* i roto i taua buka ra tei horoa i to'na i'oa i te hoê faaroo apī e te maere. Te ora, te viretu e te mana no taua Ekalesia ra, no roto mai ia i taua aivi mo'a ra, i te tooa o te râ no te tufaa fenua New York. Te parau mo'e no te ora e te tupuraa no taua faaroo ra, tei tupu i te vahi otia fenua ra e tei faaati i te ao nei i teie nei, te vai ra ia i roto i te mau Parau Tuatapapa no te atī Nephi, tei riro ei taua mau no te Bibilia.

TE SOTAIETE VAHINE TAUTURU.

TOTARE GREEN.

JOSEPHA G. STEVENS

Haapiiraa no te Ava'e EPERERA.

Parau Tumu: Ephesia 4:32.*Mahana Maha (Matamua).*

Eaha o Iesu i parau parabole ai ia ratou ?

A haapii i te parau i papaihia i roto i te Mataio 18:21-35,
e i muri iho, e iritiraa mana'o ia no nia i te haapiiraa.*Mahana Maha (Piti).*E hahaeere na Tuahine na te mau utuafare ma te haapii
atu i te parau i papaihia i roto i te Luka 18:17.*Mahana Maha (Toru).*Luka 15:12-32. Te parau no te tamaiti tei faarue i to'na
utuafare.


E faaore anei tatou i te hara a to tatou mau tamarii ?

Ua hape anei te tuaana i to'na farii oreraa i to'na teina ?

Ua hape anei te Metua i to'na tuuraa i teie tamaiti ia hae-
re ê atu ?*Mahana Maha (Maha).*

Na te Peretiteniraa e maiti i te ohipa e ravehia no teie mahana.

E te mau tuahine, a faaitoito i te ohipa himene; ia afaro
maitai te himeneraa, e maitai a'e ia ta tatou mau pureraa.
E pure te himene e te oaoa nei te Fatu i te himene no te
aau. A faatano tatou i te mau himene e te mau pureraa, mai
tera te huru, eita e tano te himene N° 134 ei haamataraa i te
mau pureraa; Aita atoa te himene N° 135 e tano ei himene
no te hunaraa ma'i. A haamana'o tatou i teie nei maa pa-
rau iti i te mau taime maitiraa himene.

Teie â hoi te tahi; Eita anei e tia ia haamaru i te himene no
te Oro'a ?

Uir
Pah
Uir
Pah
he ia

HAAPIIRAA SABATI.

Goladena W. Mack
Teneta A. Wilde

Anderea N. Machen
Pereti B. Asay

Haapiiraa no te Ava'e EPERERA.
IRAVA TAMAU AAU. IOANE 14:2.

Na te Pupu 3 e te Pupu 4.

Ep. 3. Ua riro to Zorama ei atĩ Lamana. Alama p. 43.
" 10. Te parau faaau a Moroni. " 44.
" 17. Te tohuraa a Alama. " 45.
" 24. Moroni e to ratou tiamâraa. " 48.

Na te Pupu Piti.

E haapii te pūpū piti i te parau tei papaihia na te Autahu'araa.

Te Paraimere.

Ep. 3. Philipa e te tavini o te Arii. Ohipa 8:26-40.
" 10. O Paulo e to'na faaroo i te Mesia. " 9:1-21.
" 17. Te faaroo o te tia i tapearaa. " 16.
" 24. Ta Paulo parau ia Ageripa. " 26.

HAAPIIRAA NA TE FEIA API.

TENA Palmer

NOELA. C. Devey

VERANONA C. Thurgood

VELA C. Hunting.

HAAPIIRAA NO TE AVA'E EPERERA.

Irava tamau aau: Ioane 14:2.

Haapiiraa no nia i te

BAPETIZORAA.

Tei papaihia e Norota Orometua.

Uiraa 1. Ua faaauhia te baptizoraa i te aha?
Pahonoraa. I te fanauraa. (Ioane 3:5; B. F. 5:16).
Uiraa 2. Eaha te faufaa no te baptizoraa?
Pahonoraa. Ia ore te taata ia farii i te baptizoraa, e pohe ia oia. (Ioane 3:5; B. F. 5:17).

Uiraa 3. E ora anei te taata i te bapetizoraa apa'e?

Pahonoraa. Eita. I to'na ra haapaoraa i te mau ture e i te mau faaueraa o te Evanelia. (I Petero 3:21).

Uiraa 4. Ehia huru bapetizoraa te tia i te taata ia farii ?

Pahonoraa, Hoê noa iho. (Ephesia 4:5).

Uiraa 5. Ia bapetizohia te taata i te Mesia ra, ua aha ia oia i reira ?

Pahonoraa. Ua ahua ia oia i ta te Mesia ra. (Galatia 3:27)

Uiraa 6. E tia anei ia bapetizohia te mau taata atoa ?

Pahonoraa. E tia, maori ra te mau tamarii rii. (Moroni 8:11; 10:1).

Uiraa 7. O vai te au ia bapetizohia ?

Pahonoraa. O te feia tei faahaehaa ia ratou iho i mua i te aro o te Atua, e ua tatarahapa i te mau hara atoa,— O ratou te tia ia farii i te bapetizoraa.

Uiraa 8. Eaha te Bapetizoraa mau ?

Pahonoraa. Te bapetizoraa utuhi. (Roma 6:3-4; B. F. 76:51; 128:12).

Haapiiraa no nia i te

BAPETIZORAA

Tei papaihia e Toratena Orometua.

Uiraa 1. No te aha o Ioane Bapetizo i tonohia mai ai e te Atua ?

Pahonoraa. Ua tonohia mai oia no te bapetizo i te taata i te pape, e ia faaite atu i te taata,— Ia'na o te tae mai e o te bapetizo ma te Varua Maitai. (Mataio 3:3).

Uiraa 2. No te aha e mea tia ia bapetizohia te taata ?

Pahonoraa. Ia matara ta ratou hara e ia roaa mai te ora ia ratou.

Uiraa 3. Ia ore te taata ia fanau faahou hia, e ore oia e ite i te aha ?

Pahonoraa. E ore oia e ite i te basileia o te Atua. (Ioane 3:4-5).

Uiraa 4. E mea nahea te taata paari e fanau faahou ai ?

Pahonoraa. E fanau faahou oia i te pape e te Varua. Ioane 3:4-5.

Ui

Pa

i roto

Ui

Pa

aita'

Ui

ia ra

Pa

iho.

Ui

hia ia

Pa

Ui

Pa

bapet

(Alan

Ui

Apos

Pa

fenua

o te

haapi

rau at

ton, e

28:19

Uir

Pa

utuhir

Uir

Pa

Uir

Pa

Uir

bapeti

Uiraa 5. Eaha te uputa ia ô te taata i roto i teie nei ao ?
Pahonoraa. O te fanauraa ia te uputa no te haereraa mai i roto i teie nei ao.

Uiraa 6. Eaha te uputa o te basileia o te Atua ra ?
Pahonoraa. O te fanauraa hoi ia i te pape e te Varua ra, e aita'tu â ravea. (Ioane 3:5).

Uiraa 7. O ratou tei patoi i te a'o e te baptizoraa, ua aha ia ratou ?

Pahonoraa. Ua patoi ia ratou i te a'o a te Atua ia ratou iho.

Uiraa 8. O te ore i faaroo e tei ore i baptizohia, e nahea hia ia ratou ?

Pahonoraa. E faahapahia ia.

Uiraa 9. O vai ratou te faaorahia ?

Pahonoraa. E inaha, e haere mai oia e faaora i te taata e baptizohia i te tatarahapa, na roto i te faaroo i to'na ra i'oa (Alama 9:26-27; Mareko 16:15-16).

Uiraa 10. Eaha ta Iesu parau rahi hopea, i ta'na mau Aposetolo, hou to'na taa-ê.raa'tu ia ratou ?

Pahonoraa. E teie nei, e haere outou e faariro i te mau fenua atoa ei pîpî, a baptizo atu ai ia ratou i roto i te i'oa o te Metua, e no te Tamaiti, e no te Varua Maitai: ma te haapîi atu ia ratou i te haapao i te mau mea atoa ta'u i parau atu ia outou na, e, inaha, tei pîhai atoa iho ia vau ia outou, e tae noa'tu i te hopea o teie nei ao. Amene. (Mataio 28:19-20).

TE HURU MAU NO TE RAVERRA I TE BAPTIZORAA.

Uiraa 1. Ehia huru baptizoraa e vai nei ?

Pahonoraa. E toru ia, oia hoi, te pipiraa, te niniiraa e te utuhiraa.

Uiraa 2. Ehia ta te Atua huru baptizoraa e vai nei ?

Pahonoraa. Hoê noa iho baptizoraa. (Ephesia 4:5).

Uiraa 3. Eaha ia te reira huru baptizoraa ?

Pahonoraa. Te baptizoraa utuhi ia.

Uiraa 4. Ehia ta te Atua ravea no te haapaoraa i te oro'a baptizoraa ?

Pahonoraa. Hoê noa iho Ana ravea no te haapaoraa i taua oro'a ra, e aita e nehenehe i te taata ia haamono i te hoê ravea huru ê, e aita'tu â e ravea tia.

Uiraa 5. Eaha taua ravea ra ?

Pahonoraa. Te baptizoraa UTUHI ia, oia hoi, te taïpe e te hoho'a mau tei faaitēhia mai e Iesu Mesia i to'na baptizoraahia.

Uiraa 6. E mea naheahia to te Mesia baptizoraa-hia ?

Pahonoraa. E oti a'era Iesu i te baptizohia, *haere maira oia i nia, mai raro mai i te pape*, e, inaha, vetea a'era te ra'i ia'na, hi'o a'era oia i te Varua o te Atua i te pouraa mai mai te uupa ra, e te tauraa mai i nia iho ia'na. (Mataio 3:16; Mareko 1:10; Ioane 3:23; Ohipa 8:38-39).

Uiraa 7. Ua faaauhia te baptizoraa i te aha e te Mesia ?

Pahonoraa. Ua faaauhia te baptizoraa i te fanauraa. (Ioane 3:3-5). E ua faaau atoa hia i te tauraa te pee-hia i te tia-faahou-raa. (Kolosa 2:12; Roma 6:3.5).

Uiraa 8. Eaha te auraa no te parau BAPETIZO ?

Pahonoraa. E parau Heleni ia, oia hoi, *Bapetizo* e *Bapto*, e te auraa o taua na parau ra, o te *Utuhī* ia. (Ohi. 8:36-39).

Uiraa 9. Eaha na tumu rahi e toru tei haapapu ia tatou e, hoê noa iho huru baptizoraa e au ai, oia hoi, te baptizoraa *Utuhī* ?

Pahonoraa. 1^o-Te auraa mau no te parau baptizo, oia hoi, *Bapetizo*, e *Utuhī* ia.

2^o- Te reira ia te raverā ana'e tei au no te horoi ê raa'tu i te hara.

3^o- Na roto i te mau parau papai e te mau parau i heheuhia mai e ite ai tatou e, te reira ia te raverā mau.

TE HURU O TE BAPETIZORAA NO TE TAMARII RII.

Uiraa 1. E tia anei ia baptizohia te tamarī rii ?

Pahonoraa. Eita roa. (Moroni 8; Mareko 10:14).

Uiraa 2. Ehia matahiti tei titauhia ia noaa i te tamarī no te baptizoraa ia ratou ?

Pahonoraa. Ia tae oia i te vau o to'na matahiti, ei reira e tia'i ia baptizohia te tamarī. (B. F. 68:25-27).

Uiraa
tatou

Pa

2^o-

Atua
te tar

3^o-

4^o-

(Ua
noa m
basile

Uiraa
te tan

Pa

ti, i
mau
re pa
ohipa
pa. (

Uiraa
bapet

Pa

hoi, i
o Nov
raa;
ro'i.

zo mā
tizora

Uiraa
tau o

Pa

Mesia

Uiraa

nei, i
hoi, t

Pa

e Ioar
i te 15

Uiraa 3. Eaha na tumu rahi e maha tei haapapu mai ia tatou e, eita e tia ia baptizohia te tamarii rii ?

Pahanoraa. 1^o- No te mea aita a ratou e hara.

2^o- Na mua i te baptizoraa e tia i te taata ia faaroo i te Atua e ia tatarahapa atoa oia i ta'na mau hara atoa; Nafea te tamarii rii ia faaroo e ia tatarahapa.

3^o- Aita i tia i te mau papairaa mo'a a te Atua.

4^o- Aita te tamarii rii i baptizohia i te tau no te Mesia. (Ua na ô maira te Mesia: *A tuu mai i te tamarii ia haere noa mai ia'u nei, e eiaha e tapeahia'tu, mai ia ratou hoi to te basileia o te Atua ra. Mareko 10:15; Mataio 19:13-15*).

Uiraa 4. Eaha te anotau i haamatahia'i te baptizoraa no te tamarii rii ?

Pahanoraa. Aita i haamatahia na mua a'e i te tenetere piti, i muri i te Mesia. E mai te au i tei papaihia i roto i te mau parau tuatapapa, aita paha i haamatahia hou te tenetere pae. E tapao ia te reira e na te taata i haamata i taua ohipa ra. Eita e tia i te taata ia faahuru-ê i ta te Atua ohipa. (Isaia 55:8).

Uiraa 5. I nafea i haamatahia'i te pipiraa ei ravea no te baptizoraa i te taata ?

Pahanoraa. Ua haamatahia ia i roto i te tenetere toru, oia hoi, i te matahiti e toru hanere i muri i te tau o te Mesia. E o Novatu te taata matamua tei pipihia no te oro'a baptizoraa; te pohe ra oia i te ma'i e ua pipihia oia i nia i to'na ro'i. Aita ra oia i pohe i te reira taime; aita ra oia i baptizo mau hia, e mai te reira taime ua ravehia taua huru baptizoraa tia ore ra.

Uiraa 6. Ua haapiihia anei te reira huru baptizoraa i te tau o te Mesia ?

Pahanoraa. Aita roa, ua haamatahia, i mua i te tau o te Mesia, e te taata.

Uiraa 7. Mai te mea aita te baptizoraa mau i nia i te ao nei, i nafea ra i faaho'i faahou hia mai ai te baptizoraa, oia hoi, te baptizoraa tei faatiahia e te Mesia ?

Pahanoraa. Ua faaho'i faahou-hia mai te baptizoraa mau e Ioane Baptizo, ia Iosepha Semita raua o Olive Cowdery, i te 15 no Me i te matahiti 1829.

TE PARAIMERE

ROBETA M. Johnson.
RAREFA R. Taylor.

HENERE C. Teeples.
NILE R. Chug.

HAAPIIRAA NO TE AVA'E EPERERA.

E haapii te Paraimere i te mau haapiiraa i papaihia na te Feia Apî.

E imi te Orometua i te mau ravea ia itoito mai e ia anaana-tae te mau tamarîi. A haapii i te mau himene e a faahimene atoa i te pupu tamarîi i roto i te mau putuputuraa.

Te Ora Mure Ore.

E HOA ino ma e, e rave rahi te taata tei mana'o e, e ore te *Ora mure ore* e noaa i te feia hara, e noaa ra te reira i te feia parau tia ana'e ra. Te faaite atu nei au ia outou, e te mau hoa no te Heheuraa Apî, eiaha na outou e rû i te parau i te reira parau, a feruri maitai ana i taua parau ra e: Teie, o te pohe nei, e ere anei ia o te taa-ê-raa o te tino e te varua? Oia mau â. E vai noa anei mai te reira te huru e a muri uoa'tu? Aita, aita roa'tu. E noaa ra ia ratou te *Tia-faahou-raa*. Eaha ia te *Tia-faahou-raa*? Te tia-faahou-raa o te âpiti faahou-raa ia o te tino e te varua, a ora faahou mai ai mai i mutaaiahora. Eaha ia to te taata nei ora ia tae i te reira taime, e ere anei i te *Ora mure ore*? O te feia faaroo ana e anei te farîi i te reira ora? Aita, o te Feia faaroo, te Feia faaroo ore e te mau Etene atoa hoi.

Eaha ia te vahi i huru ê ai te Feia parau tia e te Feia parau tia ore? Teie ia: E noaa te ora mure o te Feia parau-tia i roto i te oaoa mure i te vahi i haapaohia e te Atua, no ratou ra, area, te Feia hara ra, e noaa atoa ia ratou te ora mure ore i roto i te mauui mure ore, i te vahi i haapaohia, e te Atua, no ratou. O na vahi iti noa iho teie i huru ê.

Ahiri e hurihia na te Feia hara i roto i te auahi, e mure ia to ratou ora, eita atura ratou e ite a'e i te mauui otia ore ta

te M.

No

ora,

EKAL

PEA I

I te

A. SET

fenua

motu

re atu

Amuir

mai Sa

K. HA

t e Mis

E ta

huru n

I Pa

i to rat

tei put

i teie n

tu i te

ni fara

e e me

Ua i

mau fa

nei te r

huiraat

e te afa

hana.

Te t

mairi a

te Tene

nuia ro

nua ra

reva to

Ua ta

te l'apo

te Mana hope o tuu mai i nia ia ratou.

No reira, a feruri maite outou i te reira, e a farii mai i te ora, no te mea, aita'tu e noaa raa ora, maori ra, I roto i te EKALEZIA A IESU MESIA I TE FEIA MO'A I TE MAU MAHANA HOPEA NEI.

Papa'hia e Tearikima'aifano á Maíroto,

TE MAU PARAU API

I te hopea no Tenuare i mairi a'enei ua faarue te Aposetolo ra o Tihoti A. SEMITA raua o Rufus K. HARDY, no te Peretiteniraa Hitu Ahuru, i te fenua America, no te hoê tere na te mau Misioni o te Ekalesia i te mau motu atoa o te moana ra. E tapae raua na mua i Vaihi, e mai reira e haere atu raua i Australia, e mai Australia e haere raua i Niu-Zelani no te Amuiraa Eperera i reira ra. E haere atoa raua na Tonga e Samoa ma, e mai Samoa e haere mai raua i Tahiti nei. E rave rahi te matahiti ta Rufus K. HARDY i parahi i teie nei pae o te ao, oia hoi, ua Peretiteni oia i nia i te Misioni i Niu-Zelani.

E tae mai raua i ô nai i roto i te ava'e Tiunu, e a ore ra i Tiurai, tei te huru no te tereraa no te mau pahi.

I Paniora. Aita â te Paniora i hau; a piti ahuru mahoê ava'e i teie nei i to ratou tama'i noa raa, ratou ratou iho. E piti milioni taata tei pohe e tei putuputa. Hoê milioni faehau ia amuihia to na nuu e piti o te tama'i i teie nei. Te mau tane atoa tei taeahia to ratou matahiti i te 20 e tae noatu i te 29. tei roto ia ratou i te tama'i. Hoê milioni e e vau hanere tara moni farani, o te moni taime ia no te mau faehau o te Hau, i te mahana hoê, e e mea huru iti râ ta te pae orure hau haamau'araa.

Ua itihia te feia rave ohipa i nia i te mau faaapu e i roto atoa hoi i te mau fare ohiparaa. no reira te haapii nei ratou i te mau vahine e te farii nei te mau vahine i te mau ohipa a te mau tane. E 10 tiahapa milioni te huiraatira no Paniora, e tei te orure hau te pae rahi o taua huiraatira ra e te afa rahi no te fenua ra. Ua mannia roa te orure hau i teie mau mahana.

Te tama'i i te fenua Tinito. Noa'tu te itoitio o te Tinito i te ava'e i mairi a'enei, ua haere faahou â te Tapone i mua. Na roto i te tauiraa-hia te Tenerara faatere e te tonoraa hia'tu i na faehau api e 100.000, na manua roa te Tapone e ua roaa faahou ia ratou e pae oire api i te tufaa fenua ra i Yangtze. I to te Tapone haereraa i nia a'e ia Hongkong, 15 pahi reva to ratou i topa i raro e 1 noa iho to te Tinito.

Ua tae atoa hoi te mau pahi a te Tinito i nia a'e i te hoê fenua motu a te Tapone, oia hoi i Formosa. E tama'i ua'na hoi tei tupu i reira e ua faa-

itehia e, e 40 pahi reva Tapone tei haapararihia i roto i taua tama'i ra, e e mea tauturuhia te Tinito e te tahi mau taata Rutia e ta ratou mau pahi reva. E 258.000 maile tuea o te fenua Tinito tei riro i te Tapone.

I roto i te tufaa fenua Tenesse, America, ua faaipoipo na taata e toopiti; E 18 matahiti to te tane e 47 to te vahine. Te ora nei to taua vahine ra hoê tamarii tei taeahia to'na matahiti i te 27.

Ua tae mai te parau api e: E tae mai te hoê manua Marite i te 14 no teie nei ava'e, e taua manua ra o te LOUISVILLE ia. Na Australia mai oia e e piti noa iho mahana oia i Papeete nei i te maoro.

E taata mana'o itoito. Ua parie te hoê taata e haere oia mai te fenua Alaska mai, i te oire ra i San-Francisco. Tarafonia, i roto i na ava'e e pae, oia hoi, mai te ava'e Febuare e tae noa'tu i te ava'e Atete no te matahiti 1939. E 5.000 maile te atea o tera nau vahi. e ua parau oia e, e tere noa oia na nia te hoê vaa nainai roa ma te hoe noa e te amu i te i'o o te ria e te samano tara'i ei inai na'na i to'na tere. Te tumu oia e na reira'i, o te imiraa ia i te roo no te hi'opoaraa rahi te faatupubia i te oire ra i San-Francisco i te matahiti 1939, e ua parauhia e, ia poto to'na tereraa e iti ta'na moni e noaa, ia roa ra to'na tereraa e rahi atoa ia te moni te roaa ia'na.

E ruau itoito mau. Noa'tu e ua fatata oia i te tae i te hanereraa o to'na matahiti, te rave itoito noa nei â te taata ra o John M. HORAN i ta'na ohipa i roto i te hoê taiete pereoo auahi no Marite. E 83 matahiti i mairi a'enei to'na haamataraa i te rave i te ohipa i roto i taua taiete ra, i te toroa haehaa roa, e i teie nei ua riro oia ei taata hi'opoa i te man pereoo auahi. Ua parauhia e, o oia te taata rave ohipa, i roto i te ohipa pereoo auahi, tei han atu i te ruau, i roto i te fenua Marite.

E pereoo taataahi api. Te faaite hia nei, te hamani nei te hoê taata Italia i te hoê pereoo taataahi te tae to'na tere i te 43 maile i te hora. Eaha te reira huru tere i pihaiho i te pereoo taataahi matamua o te tae noa i te 9 maile i te hora. Te faaite nei taua taata Italia ra e, e tae ta'na pereoo taataahi i te 60 maile i te hora, ia afaro maitai to'na hamaniraa.

E faaafaroraa. I roto i te ve'a no Febuare i mairi a'enei ua faaitehia e, e tae mai te manua Farani ra o Jeanne d'Arc i te 25 no Eperera, ua hape te neneiraa, e tae mai ra te reira manua i te 15 no taua ava'e ra.

Marcel Bonnet Gérant

W. Dean Pa mer Imprimeur.

Rue Dumont d'Urville, Orovini, Papeete, Tahiti.



No

raa i t
ohipa
ta tato

Te
ia. A
e feru
ma te
ra i fe
ore ra
Area

Oaoa

Oia
imi i t
te me
maori
oia i t

O te
mai te